



ԱՅՑՅԵԼՈՒԹՅՈՒՆ ՀԱՅՐԵՆԻՔ՝ ՈՒՆՏԻ ԵՎ ՎԵՐԱՆՈՐՈԳՄԱՆ

Ետևում թողնելով հապարավոր կիլոմետրեր, հայրենիքը վայրկյան առաջ տեսնելու անհագ ցանկությունը իրենց հոգում, մի խումբ հայորդիներ օդանավի կանգնելուն պես սրտի թրթիռով ոտք դրեցին Մայր Հայաստանի պատմական հողի վրա:

Ահա երևում է Արարատ լեռը, Երևանը, Արարատյան դաշտավայրը, Հայաստանի արևը: Ահա իրենց նախնիների սրբազան հողը: Հայաստանի հետ առնչվող տարիներով կուտակված հույզերը, տենչերն ու երազանքները դարձան իրականություն: Սա արդեն անհուն բերկրանք և երջանկություն է:

Այցելուները ԱՄՆ-ի հայոց արևելյան թեմի Հայ Եկեղեցասեր Երիտասարդաց Միության անդամներից էին, որոնք Ամենայն Հայոց Հայրապետ Ն. Ս. Օ. Տ. Տ. Վազգեն Ա-ի և Սփյուռքահայության հետ մշակութային կապի կոմիտեի հրավերով ուխտի էին եկել Հայաստան և Մայր Աթոռ Ս. Էջմիածին:

Խմբի ղեկավարն էր Վաչինգտոնի հայոց Ս. Մարիամ եկեղեցու հոգևոր հովիվ Տ. Վրթանես քին. Գալայճյանը: Խումբը բաղկացած էր երեսուն երկսեռ անդամներից՝ հավաքված ԱՄՆ-ի հայոց արևելյան թեմի տարբեր նահանգներից:

Նրանք Հայաստան ժամանեցին հունիսի 17-ին: Սփյուռքահայության հետ մշակութային կապի կոմիտեն նրանց համար միջոցառումների հարուստ մի ծրագիր էր պատրաստել: Համաձայն այդ ծրագրի, կապվակերպվեցին հայոց լեզվի, հայկական ժողովրդական երգերի ու պարերի հատուկ դասընթացներ: Դասերից հետո, ապառ ժամերին, ամերիկահայ երիտասարդները հնարավորություն ունեցան ծանոթանալու Հա-

յաստանի տեսարժան վայրերին ու հայրենաբնակ իրենց ժողովրդի կյանքին: Նրանք առանձնապի հուլումով ու խոր պգացմունքով այցելեցին և ծաղիկներ դրեցին Ծիծեռնակաբերդի 1915 թ. Մեծ Եղեռնի զոհերի հուշարձանին, Սարդարապատի հերոսամարտի հուշահամալիրին և Հաղթանակի պուսայգում Անհայտ պինվորի գերեզմանին: Եղան մայրաքաղաքի տեսարժան վայրերում և մշակութային մի շարք օջախներում, ուղևորություն կատարեցին դեպի Սևան, Գոշավանք, Հաղարծին, Գեղարդ, Օշական, Աշտարակ, Բյուրական:

Հունիսի 19: Երջանիկ և անմոռանալի օր: Ազգիս Հայրապետ Ն. Ս. Օ. Տ. Տ. Վազգեն Ա Ամենայն Հայոց Կաթողիկոսը Հարավային Ամերիկա և Ֆրանսիա կատարած իր հովվապետական այցելությունից վերադառնում էր Մայր Աթոռ Ս. Էջմիածին: Ամերիկահայ երիտասարդները մեծ ոգևորությամբ եկել էին Սուրբ Էջմիածին՝ դիմավորելու Ամենայն Հայոց Հայրապետին և Նրա ճանապարհին ծաղիկներ սփռելով՝ բարի գալուստ մաղթելու Նրան:

Հուլիսի 6-ին ամերիկահայ երիտասարդները եղան Սփյուռքահայության հետ մշակութային կապի կոմիտեում, որտեղ նրանց ընդունեցին ու նրանց հետ պրոպյ ունեցան կոմիտեի նախագահի տեղակալներ Ս. Բադդասարյանը և Կ. Միքայելյանը: Ս. Բադդասարյանը երիտասարդներին հանգամանորեն պատմեց Հայաստանում վերջին տարիներին գիտության, մշակույթի, արդյունաբերության, գյուղատնտեսության, շինարարության ապարելում հայ ժողովրդի ձեռք բերած նվաճումների մասին: Նա շեշտեց հայրենիքի հետ սփյուռքահայության սերտ կապի անհրաժեշտությունը՝ նշելով, որ հայն ուր որ



Հայ եկեղեցաւեր Երիտասարդաց Միութեան անդամները Երևանի Մատենադարանի առջև

էլ ապրի, պիտի հիշի ու անպայման այցելի իր հայրենիքը, իր ժողովրդի բնօրրանը: Հանդիպման վերջում երիտասարդները կատարեցին խմբերգեր, պարեր ու արտասանություններ, ապա իրենց ջերմ շնորհակալությունները հայտնեցին, որ իրենց առիթ էր տրվել այցելելու Հայաստան և իրականացնելու տարիներով փայփայած իրենց երպանքները: Խմբի անդամներից Ռազմիկ Մալխասյանն ասաց. «Մեր այցելության օրերուն մեր սեփական աչքերով տեսանք ներկա Հայաստանի նվաճումները: Մեր հայրենիքի կենդանությունն ու խաղաղությունը մեզի համար ամեն բանն է: Ոչ մեկ ճշմարիտ հայ, ուր որ ալ գտնվի ան, հայրենիքեն ներս թե դուրս, տարբեր չի կրնար մտածել ու զգալ: Շատ հուպիչ ու ոգևորիչ է մեզի համար տեսնել, թե ինչպես մեր ժողովուրդի զավակները հերոսական ճիգերով, բազում դժվարություններ հաղթահարելով՝ մոխիրներեն ու ամայություններեն հաջողեր են ստեղծել փառավոր երկիր մը՝ վարգաճած գիտությամբ, արդյունաբերությամբ ու մշակույթով»:

Հրաժեշտ տալու և օրհնություն ստանալու համար հուլիսի 12-ին ամերիկահայ երիտասարդները այցելեցին Մայր Աթոռ և Վեհարանում ընդունվեցին Ամենայն Հայոց Կաթողիկոսից:

Խմբի անունից Նոյին Սրբությանն ուղղված երախտագիտության խոսք ասաց Տ. Վրթանես քին. Գալայճյանը ցուցաբերված ջերմ ընդունելության համար:

Հուլիսի 14-ի առավոտյան Երևանի Արևմտյան օդանավակայանից ինքնաթիռ նստելիս ամերիկահայ երիտասարդներն իրենց հայացքը վերջին անգամ ուղղեցին Արարատին, Երևանին և հայոց արևին՝ խոստանալով միշտ հայ մնալ, կրկին ու կրկին այցելել Հայաստան և հավատարմորեն ծառայել հայրենիքին և հարապատ ժողովրդին:

Բարի՛ երթ ձեզ, սիրելիներ: Տարե՛ք ձեր հետ հայրենի արևի ջերմությունը և փոխանցե՛ք այն հայրենիքի կարոտը սրտերում հայրենիքից հեռու ապրող բոլոր հայերին:

ՍՏԵՓԱՆ ՍԱՐԿԱՎԱԳ ԿԱՐԱՊԵՏՅԱՆ

